

**2014-mi eqqumiitsuliornermut piorsarsimassutsimullu periusissiornerup
nanginneqarnissaanik Naalakkersuisut peqquneqarnissaat pillugu Inatsisartut
aalajangiiffigisassaattut siunnersuut.**

Inatsisartunut ilaasortamit Debora Kleistimit, Inuit Ataqatigiit, saqqummiunneqartog

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

Siunnersuutip aappassaanneerreqarnerani saqqummiunneqarneranut

ISUMALIUTISSIISSUTAA

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap suliarinninnermini kingullermik ilaasortarai:

Inatsisartunut ilaasortaq Vivian Motzfeldt, Siumut, siulittaasup tullia

Inatsisartunut ilaasortaq Laura Táunâjik, Siumut

Inatsisartunut ilaasortaq Peter Olsen, Inuit Ataqatigiit

Inatsisartunut ilaasortaq Anthon Frederiksen, Partii Naleraq

Inatsisartunut ilaasortaq Debora Kleist, Inuit Ataqatigiit (sinniisoq)

UKA2017-imi ulloq 16. oktober 2017 siullermeerinninnerup kingorna ataatsimiititaliap
siunnersuut misissorpaa

1. Siunnersuutip siunertaa imarisaalu

Siunnersuutikkut matumuunakkut siunnersuuteqartup kissaatigaa sulinerup ukioq 2014-mi
eqqumiitsuliornermut kultureqarnermullu periusissiamik missingiusiornermik inerpeqartup
nanginneqarnissaanut Naalakkersuisut peqquneqarnissaat.

2. Siunersuineq

Immikkoortumi suliniutit aalajangersimasut sulinermilu atugassat assigiinngissutaat pillugu nassuiaateqarnissaq siunnersuutip siullermeerneqarnerani apeqquutigineqarpoq. Tamatumunnga Naalakkersuisut oqaaseqarput tamanna Naalakkersuisunit ataatsimiititaliamut paasissutissiissutigineqarsinnaasoq.

Tamanna tunngavigalugu Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq ataatsimiititaliamit siunersioqatigiinnissamut aggersarneqarpoq. Siunersuineranut aggeqqusissutip kiisalu Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisup oqaasissaminut najoqqutassiaa **ilanngussaq 1 aamma 2**-tut ilanngunneqarput.

3. Ataatsimiititaliap siunnersuummik suliarinninnera

Inatsisartut siullermeerinninnerat kiisalu Naalakkersuisut allannguutissatut siunnersuutitut saqqummiussaata siunnersuummik matuminnga suliaqarnermini ataatsimiititaliap ilannguppai.

Eqqumiitsuliornermut kultureqarnermullu periusissiorluni sulineq pingaartinneqartoq Naalakkersuisut akissuteqaammi oqaatigaat. Pingaarnersuineq tamanna ataatsimiititaliamit nuannaarutigineqarpoq. Naalakkersuinikkut suliaasaqarfiit taakku periusissiuunnerat eqqumiitsuliornerup kultureqarnerullu Naalakkersuinikkut qitiusumillu qanoq sulissutigineqarnissaannut pingaarutilimmik sinaakkusiissasoq ataatsimiititaliaq isumaqarpoq. Tamanna nunatsinni eqqumiitsuliornermik kultureqarnermillu sulialinnut patajaannerusunik atugassaqartitsilissaaq. Taamatut periuseqarikkut eqqumiitsuliornermik kultureqarnermillu suliaasaqarfiit sorliit tapersorneqarnissamik salliutinneqarnissamilluunniit pisariaqartitsinersut sussusersineqassapput. Taamaattorli eqqumiitsuliat kulturikkulluunniit ingerlatat sorliit najukkani pingaartinneqarnissaannik aalajangersaaneq pineqanngilaq – tamanna inuttaasut kisaatigisaasa saniatigut kiffaanngissuseqarluni eqqumiitsuliorsinnaanerup kulturikkullu ingerlatsiviit nammineersinnaassuseqarnerisa ataanniippoq. Tamanna Naalakkersuinikkut aalajangigassarinnngilarput.

Naalakkersuisut allannguutissatut siunnersuut imaattoq saqqummiuppaat:

Eqqumiitsuliornerup piorsarsimassutsillu iluini suliniutinik nutaanik isiginnittumik immikkoortunut periusissatut isikkulimmik nassuiaammik suliaqaqqullugit Naalakkersuisut peqquneqarnissaat pillugu Inatsisartut aalajangiiffigisassaattut siunnersuut, taakkunungalugu ilanngullugit inatsisinik nutaanik suliniutinillu nutaanik allanik nalilersuinissaq.

Eqqumiitsuliorneq, kultureqarneq/sunngiffik kiisalu timersorneq/timigissarneq pillugit Inatsisartut inatsisaat pingasut UPA2016-imi Inatsisartunit akuersissutigineqarput. Tamanna tunngavigalugu Naalakkersuisut allannguutissatut siunnersuutaat ataatsimiititaliamit ima

paasineqarpoq; `inatsisinik nutaanik` oqarnermi inatsisit taakku pingasut pineqartut, illuatigulli "*suliniutitik nutaanik allanik*" oqarnermi pineqartut tassaasut siunissami inatsisinik allanquinissamik suliniutissat allat, taamatullu suliniutit, naalackersuinikkut suliniutit, il.il. inatsisinut atuuttunut tunngasut.

Inatsisit pioreersut kiisalu suliniutit pioreersut nalilersuiffiginerat tunngavigalugu inatsisissatut nutaatut suliniutit pisariaqarnerat, piffissamut naleqqutuunerat (naalackersuinikkut) siunertanullu naammassinninnerat pitsaanerpaamik naliliiffiqarsinnaasut ataatsimiititaliaq isumaqarpoq. Tamatumunnga atatillugu naatsorsuutigineqartariaqarpoq Naalackersuisut ingerlatsisunik attuumassuteqartunik akuutitsinissaq Naalackersuisunit pingaartinneqartoq, tassami eqqumiitsuliortut, kulturikkut ingerlatsiviit kiisalu kommunit ingerlatsivii taakuummata eqqumiitsuliornermut kultureqarnermullu inatsisinik pingaarnertut atuutsitsisussat.

Siunersiuinerit oqaatigineqartut Naalackersuisut nassuiaateqarnerat malillugu suliat aallartinneqarsimasut kiisalu suliat nanginneqarsimasut ataatsimiititaliamit nuannaarutigineqarput. Immikkoortortakkaarlugit qulaajaanerit, suliniutit anguniakkallu kultureqarnermut tunngasut iliuuseqarfigineqarnerulernissaat eqqumaffiqineqarnerulernissaallu ataatsimiititaliamit neriuutigineqarpoq.

Kulturikkut ingerlatsinerup pitsaasumik ineriartorsimanera ataatsimiititaliamit annertuumik nuannaarutigineqarpoq. Nutaanik eqqarsarneq, ileqqutoqqanik aallarteqqinneq aamma eqqumiitsuliornikkut kulturikkullu nutaamik eqqarsarneq tassaapput naalackersuinikkut tapersorneqartariaqartut. Kulturikkulli eqqumiitsuliornikkullu ingerlatsinerit sukkasuumik tassangaannartumillu iniariartorsinnaasut Naalackersuineri kulturikkut suliniutit ukiut arlaqartut ingerlaneqarsinnaasarput. Tamanna apeqqutaatinnagu inuiaqatigiinni kultureqarnermi ingerlatsinerup ineriartornera pitsaasoq naalackersuinikkut tapersorneqassasoq, eqqumaffiqineqarluni aamma aningaasatigut tapiiffiqineqartassasoq ataatsimiititaliamit neriuutigineqarpoq. Tamatumunnga atatillugu ataatsimiititaliamit maluginiarneqarpoq siunersiuineri Naalackersuisut oqaatigigaat neriuutigalugu immikkoortukkaarlugit pilersaarutit maannakkut ingerlanneqartut 2018-imi ukiaaneranut periaereqassasut.

Taamatuttaarlu ataatsimiititaliap paasisimavaa, siunnersuuteqartoq Naalackersuisullu eqqumiitsuliornermut kultureqarnermullu ingerlatsivinni siumut isigisumik suloriusissamik pilersitsisoqarnissaa kissaatigigaat suloriusissallu taassuma aallaavigisariaqaraa eqqumiitsuliortunut kulturikkut ingerlatsivinni il.il pissutsit piviusut sukkulluunniit atuutissasut.

Qulaani allassimasut tunngavigalugit periusissiasatut kissaatigineqartup imarisaanik erseqqissaaneq kiisalu suliap ingerlalluarnissaata qulakkeerneqarnissaa pissutigalugu matumuuna ataatsimiititaliamit allannguutissatut siunnersuut saqqummiunneqarpoq:

Immikkoortumut periusissiamik, eqqumiitsuliornermi kultureqarnermilu suliniutissanik nutaanik, tassungalu ilanngullugu inatsisit atuuttut suliniutillu allat nalilersorneqarnerannik imaqartussamik suliaqaqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Periusissiaq Inatsisartunut UKA 2018 nallertinnagu agguanneqassaaq.

4. Siunnersuutip aningaasatigut kingunerisassai

Inatsisartut suleriaasaanni § 33 imm. 1-imi allassimavoq, aalajangiiffigisassatut siunnersuutip allaffissornikkut aningaasatigullu kingunerisassai siunnersuutip tunngavilersuutaani nassuiaatigineqassasut. Tamanna naapertorlugu siunnersuutip piviusunngortinneqarnerani aningaasatigut kingunerisassat siunnersuummi nalunaarneqartut ataatsimiititaliamit maluginiarneqarpoq. Taamatut naliliinerup annertunerusumik oqaaseqaateqarfiginissaanut ataatsimiititaliaq tunngavissaqanngilaq.

Naalackersuisut allannguutissatut siunnersuutaat ataatsimiititaliamit ima paasineqarpoq: eqqumiitsuliorneq, kultureqarneq/sunngiffik kiisalu timersorneq/timigissarneq pillugit inatsisit 2016-imi akuersissutigineqartut nalilersorneqarnissaat pineqartoq¹. Naatsorsuutigineqarpoq tamanna Naalackersuisut ingerlaavartumik suliaannut aalajangersimasumik ilaatinneqareersoq. Taamaattumillu Naalackersuisut allannguutissatut siunnersuutaat sulisunik aningaasanillu amerlanerusunik pisariaqartitsilernermik nassataqartariaqanngitsoq ataatsimiititaliaq isumaqarpoq. atuiffiunerusinnaanera ataatsimiititaliamit naatsorsuutigineqanngilaq.

5. Ataatsimiitiamit inassuteqaat

Ataatsimiititaliap allannguutissatut siunnersuutaa akuerineqassasoq ataatsimiititaliamit **isumaqatigiittumit** inassutigineqarpoq.

¹ Kulturikkut ingerlatsineq sunngiffimmilu sammisassaqtitsineq pillugit Inatsisartut inatsisaat nr. 5, 6. juni 2016-imeersoq; Eqqumiitsuliornermik ingerlatsineq pillugu Inatsisartut inatsisaat nr. 11 6. juni 2016-imeersoq; Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq.

Taama oqaseqarluni isumaliutissiissummilu allassimasutut paasinnilluni ataatsimiititaliap siunnersuut aappassaaniigassanngortippaa.

Vivian Motzfeldt

Vivian Motzfeldt
Siulittaasup tullia

Laura Táunâjik

Laura Táunâjik

Peter Olsen

Peter Olsen

Anthon Frederiksen

Anthon Frederiksen

Debora Kleist

Debora Kleist



**Ilinniartitaanermut, Kultureqarnermut,
Ilisimatusarnermut Ilageeqarnermullu
Naalackersuisoq**

Ulloq: 20-10-2017

J.nr.: 01.39.01.03-00198

**Ataasinngornermi ulloq 23. oktober 2017 nal. 11.00 ataatsimiittarfik "Erling Høegh"-
imi Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliamit siunersiorneqarnissamut aggeqqusissut**

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap Ilinniartitaanermut, Kultureqarnermut, Ilisimatusarnermut
Ilageeqarnermullu Naalackersuisoq siunersiorneqarnissamut matumuuna aggersarpaa.

UKA 2017/114-ip, eqqumiitsuliornermut piorsarsimassutsimullu periusissiornermut
tunngasup, siullermeerneqarnerani Naalackersuisut allannguutissatut siunnersuummik
saqqummiussipput. Tassunga atatillugu Ilinniartitaanermut, Kultureqarnermut,
Ilisimatusarnermut Ilageeqarnermullu Naalackersuisup oqaatigaa siunnersuutaaqqaartup
aammalu Naalackersuisut allannguutissatut siunnersuutaata suut assigiinngissutigineraat
ataatsimiititaliamut nassuiaateqarfigiumallugu.

Taamaalillunilu siunersiuinermini matuma oqallisigineqarnissaa ataatsimiititaliamit
kissaatigineqarpoq:

- 1. Siunnersuutaaqqaartumut taarsiullugu Naalackersuisut allannguutissatut
siunnersuutaat akuerineqassagaluarpat suliassaq Naalackersuisunit
ingerlanneqalersaartoq qanorpiaq allaanerussuteqarnersoq nassuiaqqullugu
Naalackersuisoq qinnuigineqarpoq.**


Naalackersuisumik siunersiuinermini allanik aamma apeqquteqarnissani ataatsimiititaliap
naatsorsuutigaa.

Ataatsimiititaliap Naalackersuisumik siunersiuinerata Ilinniartitaanermut, Kultureqarnermut,
Ilisimatusarnermut Ilageeqarnermullu Naalackersuisup ataatsimiititaliallu akornanni
pingaarnersiulluni tullerriiarinerit anguniakkallu pillugit naalackersuinermut tunngasumik
oqaloqatigiinnertut sapinngisamik iluseqartinneqartarnissaa ataatsimiititaliamit
anguniarneqarpoq. Taamatut oqallinneq ammasumik oqallinnertut sapinngisamik
ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu
ataatsimiititaliap Naalackersuisumik siunersiuineranut atatillugu pissarsisinnerneqarnissani
ataatsimiititaliap kissaatigaa. Allakkiap assilineratalu kingusinnerpaamik ataatsimiititaliap
Naalackersuisumik siunersiuinerata kinguninngua uunga nassiuinnerneqarnissaa
qinnutigineqarpoq: ina@ina.gl aamma rfr@ina.gl. Allakkiaq ataatsimiititaliap

Naalakkersuisumik siunersiuineranut nassarneqarpat atorneqarpallu taassuma nuutinnera
ataatsimiititaliap Naalakkersuisumik siunersiuinerata aallartinnerani ataatsimiititaliap
oqalutnaanut tunniuteqquneqarpoq

Kultureqarnermut, Ilinniartitaanermut, Iisimatusarnermut Ilageeqarnermullu
Ataatsimiititaliaq sinnerlugu



Mimi Karlsen

Ataatsimiititaliami siulittaasoq



Ilanngussaq 2

UKA 2017/114: 2014-mi eqqumiitsuliornermut piorsarsimassutsimullu periusissiornerup nanginneqarnissaanik Naalakkersuisut peqquneqarnissaat pillugu Inatsisartut aalajangiiffigisassaattut siunnersuut

20-10-2017
Sagsnr. 2017 - 19024
Dok. nr. 6439100

Postboks 1029
3900 Nuuk
Tlf: +299 34 50 00
Fax: +299 32 20 73
Email: ikiin@nanoq.gl
www.nanoq.gl

KU-mut ataatsimiititaliap isumasioqatigiinnissamut matumunnga qaaqqussutaanut qujavunga.

Naalakkersuisut allannguutissatut siunnersuutaat siunnersuutivimmuut taarsiullugu akuersissutigineqassappat, Naalakkersuisut sulinissamut pilersaarutaannut suut assigiinngissutaassanersut Ataatsimiititaliap qaaqqusissummini Naalakkersuisut nassuiaaqquai.

Immikkoortoq 114-p suliarineqarnerani Naalakkersuisut allannguutissatut siunnersuummik siunnersuuteqarput, eqqumiitsuliornerup piorsarsimassutsillu iluani suliniutinik nutaanik misissuineramik, immikkoortumut periusissatut isikkoqartumik nassuiaasiornissamut Naalakkersuisut suliaqaqquneqassasut.

Allannguutissatut siunnersuutip aalajangernissamullu siunnersuutiviup assigiinngissutai qulequttatigut takujuminaassinnaapput. Taamaattumik tamatuma itisilernissaanut periarfissinneqarnera nuannaarutigaa.

Naalakkersuisoqatigiit Naalakkersuisoqatigiinnissamut isumaqatigiissutikkut anguniarpaat, piorsarsimassutsip iluani suliniutinik nutaanik misissuisussamik nassuiaasiornissaq nutaaq aallartisarneqassasoq, sulinerlu tamanna Naalakkersuisut aallartisareerpaat.

2014-imili suliniutinik arlalinnik aallartisaasoqareerpoq, aamma "Naalakkersuisut Eqqumiitsuliornermut piorsarsimassutsimullu periusissiat 2014-2017"-imut missingiummi ilaasunik.

Suliniutinut assersuutit:

Piorsarsimassutsimi kingornussat:

Nunarsuarmi eriagisassat pillugit UNESCO-mik suleqateqarneq ingerlaannarpoq, sumiiffiillu marluk maannakkut toqqarneqarsimalerlutik, aappaagulu pingatserneqarnissaat neriutaavoq.

Oqaatsit:

Oqaatsit pillugit Nunat Aqqinik Aalajangiisartut pillugit Inatsisartut inatsisaannik kiisalu Oqaasiliortut pillugit Inatsisartut inatsisaannik akuersisoqarpoq. Meeqqat atuarfianni oqaatsit pillugit ilinniartitsineranut paasisimasalinnik pilersitsisoqarpoq.

Timersorneq:

Timersorneq timigissarnerlu pillugit Inatsisartut inatsisaannik akuersisoqarpoq, taannalu inatsisitigut tunngavigalugu Kalaallit Nunaanni Timersoqatigiiffiit Kattuffiannik Elite Sports Greenlandimillu naammassisassatut isumaqatigiissuteqartoqarpoq. Isumaqatigiissutini tamat timersortartut qaffasissumillu timersortartut ukkatarineqarput kiisalu nunat tamat akornanni suleqateqarneq ukkatarineqarluni.

Tamatuma saniatigut Naalakkersuisut isiginiarpaat timersortarfiit, soorlu timersortarfissuit pioreersut.

Tusagassiorneq:

KNR-ip siulersuisuini suliamik ingerlatsinermik ilisimasaqartunik ilaasortalersuisoqarpoq kiisalu internetikkut sullississutitut attaveqaatinik pitsaanerusunik pilersitsisoqarluni.

"Naalakkersuisut Eqqumiitsuliornermut piorsarsimassutsimullu periusissiaat 2014-2017"-iannit suliniutinik aallartisarneqareertunik allanik assersuteqartoqarsinnaagaluarpoq. Taamaaliortoqassappat "Naalakkersuisut Eqqumiitsuliornermut piorsarsimassutsimullu periusissiaat 2014-2017"-imut missingiummik suliaqarnerup nangingneqarnissaa isumaqarunnaassaaq.


Taamaattumik Naalakkersuisut tulluarterippaat, nassuiaasiortoqassasoq suliniutinik nutaanik ukkatarinnittumik inatsisinillu nutaanik suliniutinillu allanik nalilersuisumik. Nassuiaat immikkoortumi pilersaarutitut isikkoqassaaq. Immikkoortumi pilersaarut, "Naalakkersuisut Eqqumiitsuliornermut piorsarsimassutsimullu periusissiaat 2014-2017"-imut missingiummit suliniuteqarfissanik aningaasaliinissamillu pisariaqartitsinernik nassuiaaerususaaq.

Naalakkersuisut assersuutigalugu timersortarfissuit tamarmik qanoq issusaannik nalunaarsuinermik iluarsartuussinissamullu pisariaqartitsinerit akissaannut missingersuinernik aallartisaasimapput.

Tamatuma saniatigut Naalakkersuisut suliaaraat "Oqaatsit pillugit suliniutissat siunnersuutit – Oqaatsinik ilitsoqqussanik allamiullu oqaasiinik arlariinnik nukittorsaaneq", taanna immikkoortumut pilersaarusiamaq ilaassaaq. Siunnersuut taanna UKA2017-ip naannginnerani Inatsisartunut agguanneqarnissaa naatsorsuutigineqarpoq. Eqqumiitsuliornerup piorsarsimassutsillu iluani immikkoortuni assigiinngitsuni pilersaarutit annertuut ingerlaavartumik suliarineqartassapput immikkoortumullu pilersaarummut ilanngunneqartassallutik.

Tamatuminnga paasisinnaassavarsi, taamani suliniarfissatut pilersaarutissanut siunnersuutaagaluartunik aamma suliaq ingerlavoq. Nassuiaasiarluni sulinermitaamaasilluni aamma ilanngunneqassapput suliniutit, Eqqumiitsuliornermut Piorsarsimassutsimullu periusissiamut missingiummi suliniutit anguniakkallu taaneqartut.

Inuussiamersumik inuulluaqquusilluta


Doris J. Jensen